

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel:00387 35 743 400, Fax:00387 35 743 433, e-mail:opcina@banovic.gov.ba, Web:www.banovici.gov.ba

Broj: 01-05-484/18-5

Datum: 09.04.2018. godine

Na osnovu člana 64. stav 1. tačka a. a u vezi sa članom. 89., člana 70. stavovi 1., 3. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („Službene novine FBiH“ broj 49/06) člana 42. Statuta Općine Banovići (Službeni glasnik općine Banovići broj 3/08) i Preporuke Komisije za javnu nabavku, broj: 01-05-484/18-5 od 06.04.2018. godine u postupku javne nabavke roba „Nabavka goriva i maziva“ Općinski načelnik donosi

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavke broj: 01-05-484/18-4 od 06.04.2018. godine i Ugovor – Okvirni sporazum za javnu nabavku roba „Nabavka goriva i maziva“ dodjeljuje se ponuđaču „HIFA-OIL“ d.o.o. Tešanj, sa sjedištem u Tešnju ulica Bukva broj 10. 74260 Tešanj, Ponuda broj: 05/04/18 od 05.04.2018. godine za ukupnu ponuđenu cijenu od 50.454,39 KM bez PDV-a, kao najbolje ocijenjenom ponuđaču.

Član 2.

Prijedlog Ugovora – Okvirnog sporazuma o nabavci roba dostavit će se na potpis izabranom Ponuđaču iz člana 1. ove Odluke u roku do 10 dana, računajući od dana od kada su svi ponuđači obavješteni o izboru najpovoljnije ponude.

Član 3

Ova Odluka stupa na snagu danom donošenja i objavit će se na internet stranici www.banovici.gov.ba istovremeno s njenim upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama (Službeni glasnik Bosne i Hercegovine, broj 39/14).

o b r a z l o ž e n j e

Odlukom o pokretanju postupka javne nabavke roba broj: 01-05-484/18 od 12.03.2018. godine donesenom od strane ovog organa pokrenut je postupak javne nabavke roba „Nabavka goriva i maziva“. Predmetna javna nabavka predviđena je Planom zajedničkih javnih nabavki za 2018. godinu, broj 01-05-66/18 od 18.01.2018. godine, evidencijski broj: 1/18.

Javna nabavka robe sprovedena je otvorenim postupkom javne nabavke sa namjerom zaključivanja okvirnog sporazuma na period od 2 (dvije) godine.

Procijenjena vrijednost javne nabavke bez PDV-a je 63.360,00 KM.

Obavještenje o nabavci broj 1220-1-1-47-3-13/18, objavljeno je na Portalu javnih nabavki dana 14.03.2018. godine.

Komisija za javne nabavke imenovana rješenjem broj:01-05-91/18 od 24.01.2018. godine, ovom organu dostavila je dana 06.04.2018. godine Zapisnik o pregledu i ocjeni ponuda broj: 01-05-484/18-3 od 06.04.2018. godine i Preporuku o izboru najpovoljnijeg ponuđača broj: 01-05-484/18-4 od 06.04.2018. godine u postupku javne nabavke roba „Nabavka goriva i maziva“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije) i to ponuda ponuđača

1. „ENERGOPETROL“ d.d. Sarajevo, sa sjedištem u ulici Maršala Tita broj 36. 71000 Sarajevo
(datum predaje ponude 05.04.2018. godine, vrijeme predaje ponude 10:05 h)
2. „HIFA-OIL“ d.o.o. Tešanj, sa sjedištem u Tešnju ulica Bukva broj 10. 74260 Tešanj
(datum predaje ponude 05.04.2018. godine, vrijeme predaje ponude 11:50 h)

- da su ponuđači na propisan način preuzeli tendersku dokumentaciju

- da su ponude pristigle blagovremeno,

- da su ponude ocijenjene prihvatljivim.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač „HIFA-OIL“ d.o.o. Tešanj najbolje ocijenjen na osnovu kriterijuma ekonomski najpovoljnije ponude u okviru kojeg su vrednovani sljedeći kriteriji sa sljedećim pojedinačnim udjelima svakog od kriterija u izračunu ekonomski najpovoljnije ponude:

1. Ponuđena cijena..... udio 60%
2. Udaljenost benzinske pumpe od sjedišta Ugovornog organa..... udio 30%
3. Rok plaćanja..... udio 10%

Uvidom u priloženu dokumentaciju, nesporno je da je izabrani ponuđač najbolje ocijenjen primjenjujući kriterijum ekonomski najpovoljnije ponude sa ukupno 97,93 bodova.

Iz navedenih razloga, primjenom člana 64. stav 1. tačka a), a u vezi sa članom 89. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 5 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

DOSTAVITI:

- 1x Svim ponuđačima koji su učestvovali u postupku JN
- 1x U spis
- 1x a/a



OPĆINSKI NAČELNIK

Miđhat Husić